

Bosna i Hercegovina  
Federacija Bosne i Hercegovine  
Tuzlanski kanton  
GRAD TUZLA  
GRADSKO VIJEĆE  
Kolegij Gradskog vijeća  
Broj: 01/04-A-8416-2026  
Tuzla, 15.6.2026. godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 22-06-2026			
Org. jed.	Broj	Priloga	Vrijednost
05/1	-02-	314	126

GRAD TUZLA  
- Gradonačelnik dr. sc. Zijad Lugavić  
- Sekretar organa državne službe  
- Stručna služba Gradskog vijeća

#### PARLAMENT FEDERACIJE BOSNE I HERCEGOVINE

**PREDMET:** Odgovor Kolegija Gradskog vijeća Tuzla na zastupničko pitanje Admira Čavalića, zastupnika u Zastupničkom domu Parlamenta Federacije Bosne i Hercegovine

Na 21. redovnoj sjednici Kolegija Gradskog vijeća Tuzla, održanoj 15.6.2026. godine, pod tačkom 7. razmatrano je **zastupničko pitanje Admira Čavalića, zastupnika u Zastupničkom domu Parlamenta Federacije Bosne i Hercegovine**, koje se odnosi na organizovanje izbora u mjesnim zajednicama na području grada Tuzle dostavljeno na nadležno postupanje od strane Predstavničkog doma Parlamenta FBiH, aktom broj: 0/1-02-314/26 od 14.5.2026. godine.

Kolegij Gradskog vijeća Tuzla na zastupničko pitanje zastupnika Admira Čavalića dostavlja sljedeći odgovor:

Gradsko vijeće Tuzla je na 5. redovnoj sjednici održanoj 27.5.2021. godine donijelo Statut Grada Tuzle (u daljem tekstu: Statut), koji je objavljen 28.5.2021. godine u "Službenom glasniku Grada Tuzle", broj 6/21.

Članom 96. Statuta propisano je da: „Savjet mjesne zajednice biraju građani sa područja mjesne zajednice, demokratskim putem, na neposrednim i tajnim izborima“.

Istim članom je propisano da će se mjesto i vrijeme održavanja izbora za savjete mjesnih zajednica, organi za sprovođenje izbora, sredstva potrebna za sprovođenje izbora, način utvrđivanja i proglašavanja rezultata izbora, kao i druga pitanja u vezi sa izbornim procesom za savjete mjesnih zajednica urediti odlukom Gradskog vijeća.

Stručna služba Gradskog vijeća i Služba za komunalne poslove, izgradnju i poslove mjesnih zajednica su u svojstvu obrađivača, izradili i Kolegiju Gradskog vijeća Tuzla dostavili sljedeće nacрте:

- Nacrt Statuta mjesne zajednice,
- Nacrt Odluke o izgledu, upotrebi, čuvanju i vođenju evidencije o pečatima mjesnih zajednica sa područja grada Tuzle,
- Nacrt Odluke o postupku registracije i načinu vođenja Registra mjesnih zajednica grada Tuzle i
- Nacrt Odluke o načinu organizovanja i provođenju izbora za članove savjeta mjesnih zajednica na području grada Tuzle.

Kolegij Gradskog vijeća Tuzla je na 12. redovnoj sjednici, održanoj 21.10.2021. godine, prilikom definisanja dnevnog reda 10. redovne sjednice Gradskog vijeća Tuzla, zbog obimnosti dnevnog reda u isti uvrstio sljedeće akte:

- Informacija o sadržini obrasca Statuta mjesne zajednice i
- Nacrt Odluke o izgledu, upotrebi, čuvanju i vođenju evidencije o pečatima mjesnih zajednica sa područja grada Tuzle. Ostali dostavljeni akti nisu uvršteni u dnevni red sjednice Gradskog vijeća.

U sazivu 2024.-2028. godina Gradsko vijeće Tuzla je na 3. redovnoj sjednici, održanoj 30.1.2025. godine, na prijedlog 11 vijećnika, a u skladu sa članom 160 Statuta dvotrećinskom većinom glasova donijelo Odluku o

pristupanju promjeni Statuta Grada Tuzle. Na istoj sjednici je Komisija za statutarna pitanja i propise zadužena da, u skladu sa članom 161. Statuta pripremi nacrt akta o promjeni Statuta Grada Tuzle.

Gradsko vijeće Tuzla je na 4. redovnoj sjednici, održanoj 25.2.2025. godine, razmatralo i usvojilo Nacrt odluke o izmjeni i dopuni Statuta Grada Tuzle. Nacrt odluke o izmjeni i dopuni Statuta Grada Tuzle je upućen u javnu raspravu u trajanju od 20 dana.

Za provođenje javne rasprave zadužene se Komisija za statutarna pitanja i propise i Stručna služba Gradskog vijeća dok je Služba za komunalne poslove, izgradnju i poslove mjesnih zajednica, Odjeljenje mjesnih zajednica, zadužena da organizuje i provede javnu raspravu sa zainteresiranim građanima u mjesnim zajednicama.

Na istoj sjednici Gradsko vijeće Tuzla je predložilo Komisiji za statutarna pitanja i propise da član 96.a Odluke o izmjeni i dopuni Statuta Grada Tuzle glasi: "Do omogućavanja uslova za provođenje izbora u mjesnim zajednicama iz prethodnog člana, Gradsko vijeće Tuzla natpolovičnom većinom bira i razrješava članove savjeta mjesnih zajednica na prijedlog klubova vijećnika političkih subjekata koji participiraju u Gradskom vijeću Tuzla, uvažavajući izborne rezultate objavljene u „Službenom glasniku BiH“ sa posljednjih lokalnih izbora."

Po okončanju javne rasprave, a nakon što je razmotrila sve pristigle prijedloge, primjedbe i sugestije na Nacrt Odluke o izmjeni i dopuni Statuta Grada Tuzle, Komisija za statutarna pitanja i propise je prihvatila zaključak Gradskog vijeća usvojen na 4. redovnoj sjednici održanoj dana 25.2.2025. godine, a kojim se predlaže da član 96.a Odluke o izmjeni i dopuni Statuta Grada Tuzle glasi: "Do omogućavanja uslova za provođenje izbora u mjesnim zajednicama iz prethodnog člana, Gradsko vijeće Tuzla natpolovičnom većinom bira i razrješava članove savjeta mjesnih zajednica na prijedlog klubova vijećnika političkih subjekata koji participiraju u Gradskom vijeću Tuzla, uvažavajući izborne rezultate objavljene u „Službenom glasniku BiH“ sa posljednjih lokalnih izbora."

Po provedenoj javnoj raspravi, Komisija za statutarna pitanja je u skladu sa članom 162. Statuta utvrdila prijedlog Odluke o izmjeni i dopuni Statuta Grada Tuzle i dostavila ga Gradskom vijeću.

Na 5. redovnoj sjednici Gradskog vijeća Tuzla, održanoj 27.3.2025. godine dvotrećinskom većinom usvojena je Odluka o izmjeni i dopuni Statuta Grada Tuzle uz amandman koji je postao sastavni dio Odluke o izmjeni i dopuni Statuta Grada Tuzle a koji glasi:

amandman:

„U članu 1. Odluke o izmjeni i dopuni Statuta Grada Tuzle, u novom članu 96.a koji se dodaje, riječi „uvažavajući izborne rezultate objavljene“ zamjenjuju se riječima „shodno izbornim rezultatima objavljenim“ te se na kraju rečenice briše tačka i dodaju riječi „i uvažavajući izborne rezultate u mjesnoj zajednici u kojoj se vrši izbor članova savjeta mjesne zajednice“."

U obrazloženju usvojene Odluke o izmjeni i dopuni Statuta Grada Tuzle navedeno je da bi organizacija direktnih izbora u mjesnim zajednicama, u skladu sa članom 96. Statuta, zahtijevala značajna finansijska sredstva, koja Grad Tuzla trenutno nije u mogućnosti osigurati. Troškovi bi premašili one za zvanične lokalne izbore, s obzirom na to da za ove izbore sredstva za posmatrače, štampanje izbornog materijala i druge aktivnosti nije osigurala Centralna izborna komisija BiH, već bi sve troškove snosio Grad Tuzla. Pored toga:

- Potrebno je osigurati posebne izborne liste za svaku mjesnu zajednicu, za razliku od jedinstvenih lista korištenih na lokalnim izborima.

- Troškovi implementacije izbora, uključujući štampanje materijala, obuku osoblja, imenovanje i plaćanje izbornih komisija za mjesne zajednice, bili bi izuzetno visoki.

Također, prilikom usvajanja navedene odluke, u obzir je uzeta činjenica da je savjetima mjesnih zajednica istekao mandat nakon lokalnih izbora 2024. godine i da su savjeti mjesnih zajednica do dana dnošenja Odluke o izmjeni i dopuni Statuta Grada Tuzle bili upražnjeni što je moglo dovesti u pitanje funkcionisanje mjesnih zajednica.

Uzimajući u obzir sve navedeno, Gradsko vijeće napominje da usvojena Odluka o izmjeni i dopuni Statuta Grada Tuzle predstavlja prijelazno rješenje koje će omogućiti imenovanje članova savjeta mjesnih zajednica od strane Gradskog vijeća na prijedlog klubova vijećnika te da predstavlja praktično, brzo i funkcionalno rješenje dok se ne osiguraju adekvatni uvjeti za organizaciju direktnih izbora iz člana 96. Statuta.

S poštovanjem,

**DOSTAVITI**

4 x naslovu  
1 x evidencija  
1 x a/a

**PREDSJEDAVAJUĆA**  
**Ana Fejić, BA prava**